

vff Tetschen / Bodenbach / Tyrnitz vnd Seeben / seligen
andenckens / E. G. herzlichsten Herren / vnd Vatern: Un-
sern aber in dieser Herrschafft Tetschen lieben Landes Va-
tern / durch ein seliges Sterbestündlein von dieser Welt /
in sein Himelreich abgefördert hat. So haben wir nicht al-
leine gungsam vrsach zu klagen vnd zu trawren: Sondern
sollen ons auch dabey widerumb trösten vnd auffrichten.

Habe derowegen ich an meinem theil / wegen tragenden
Ampts / zur füracfallene Christlichen Leichbegängnuß auch et-
was nach meiner einfalt vnd geringem vermögen geben vnd
darbringen / meinem gnedigen vnd nun in Gott ruhendem
Lehen Herren / vor viel erwiesene wolthat danckbar werden
vnd zu seinem ehrengedechnuß / vns andern aber zur Lehr
vnd trost / nachfolgende zwey Sermones oder Predigten an-
stellen vnd halten wollen.

Erstlich / damit wir vrsach hetten nach zu denckē / wie die sün-
de ein vrsach sey des Zorns vnd grims Gottes / der da machet /
das wir so vergehen / vnd so plötzlich dahin müssen Psal. 90. v. 8

Darnach / das wir in angestelter klage vns mit göttlichem
wort lerneten trösten vnd auffrichten / stercken vnd erhalten.
weil dasselbige allezt ist vnser Herzens trost vnd freude
Hierem. 15. v. 16.

Ich wil aber solch Leichvnd Ehrengedechnuß / so gut
als es mir Gott verlihen / auff E. G. Christliches begehren /
so wol vieler vornehmer Leute anhalten / durch öffentlichen
druck jederman willig vnd wolmeinend mittheilen / vnd E. G.
so wol deroselben Adelichen Jungen Herrn vnd elisten
Sozne hirmit verehren vnd beschreiben.

E. G. zwar / das ich nicht allein vrsach gebe / hir durch in stet-
werendem gedechtnuß zu behalten / was für eine rechte Christ-